

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN SAILA

Foru Gobernu Kontseiluaren 262/2022 Erabakia, maiatzaren 3koa. Onespena ematea 2021/2022 ikasturtean batxilergoko, erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdiari

Gobernu Kontseiluak, uztailaren 4ko 33/2017 Foru Dekretuaren bidez, ikasle gazte arabarrei garraiorako dirulaguntzak emateko oinarri arautzaile orokorrak onetsi zituen.

Era berean, Foru Gobernu Kontseiluaren abenduaren 28ko 57/2021 Foru Dekretuaren bidez, onetsi ziren Gazteriaren Foru Erakundeak norgehiagoka bidez ematen zituen dirulaguntzen oinarri orokor arautzaileak.

Bi dirulaguntza horiek xede eta hartzaile berak dituztela ikusita, uste dugu, aurreko urteetan bezala, egokia dela deialdi bakarra egitea unibertsitatez kanpoko ikasle gazteei dirulaguntzak emateko.

Deialdi honen lehen apartatuan zehazten den moduan, laguntza hauen helburua da beren bizilekua dagoen udalerritik ikastetxe publikoak edo itunduak dauden beste udalerriri batera joan behar duten Arabako ikasleen garraioa ahalbidetzea, batxilergoko ikasketak eta hirugarren apartatuan jasotako erdi eta goi mailako prestakuntza zikloetako ikasketak egiteko.

Era berean, lehen apartatu horretan foru sail honek laguntza hauen bidez lortu nahi duen helburua aipatzen da, hau da, ikasleen bizileku aldaketa saihestea eta, horrela, bizi diren herrian eta herrigunean geratzea sustatzea.

Horregatik, Lurralde Orekaren Saileko foru diputatuaren eta Kultura eta Kirol Saileko foru diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren,

ERABAKITZEN DUT

Lehenengoa. Onespena ematea 2021/2022 ikasturtean batxilergoko, erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar diren ikasle gazteei garraiorako 59.500,00 euroko dirulaguntzak emateko deialdiari, Arabako Foru Aldundiaren 2022ko aurrekontuaren kontura, bai eta 55.000,00 euro ere, Gazteriaren Foru Erakundearen 2022ko aurrekontuaren kontura. Deialdi hau espedienteari lotuta geratzen da eta erabaki honen eranskin gisa jasotzen da.

Bigarrena. Arabako Foru Aldundiaren 2022. urterako aurrekontuaren kontura (taldea: 22.1.22) emango diren dirulaguntzak, guztira 59.500,00 euro egiten dutenak, "10202G/441100/48000100 Garraioa, Lurralde Oreka" aurrekontu partidaren kontura finantzatzeko dira (zorpekin erreferentzia: 105-1.606/000).

Hirugarrena. Gazteriaren Foru Erakundearen 2022. urterako aurrekontuaren kontura (taldea: 22.1.22) emango diren dirulaguntzak, guztira 55.000,00 euro egiten dutenak, "71100. G/232750/48000751" aurrekontu partidaren kontura finantzatzeko dira.

Laugarrena. Deialdiari gehienez 50.000,00 euroko kopuru gehigarri bat erantsi ahal izango zaio, baldin eta aurrekontu krediturik badago.

Bosgarrena. Erabaki hau ALHAOn argitaratzea.

Seigarrena. Erabaki honek administrazio bidea amaitzen du, eta bere aurka, aukerako berraztertze errekurtsoa jarri ahalko da hura eman zuen organoaren beraren aurrean edo, zuzenean, administrazioarekiko auzi errekurtsoa aurkeztu ahalko da Gasteizko Administrazioarekiko Auzietarako Epaitegietan, bi hilabeteko epean, ebazpen hau argitaratu eta hurrengo egunetik aurrera.

Vitoria-Gasteiz, 2022ko maiatzaren 3a

Diputatu nagusia

RAMIRO GONZÁLEZ VICENTE

Kultura eta Kirol Saileko foru diputatua

ANA DEL VAL SANCHO

Lurralde Orekaren Saileko foru diputatua

IRMA BASTERRA UGARRIZA

Kirol zuzendaria

ANA ROSA LÓPEZ DE URALDE GÓMEZ

Lurralde Orekaren zuzendaria

JESÚS MARÍA GUINEA DÍAZ DE OTALORA

ERANSKINA

2021/2022 IKASTURTEAN BATXILERGOKO, ERDI MAILAKO EDO GOI MAILAKO PRESTAKUNTZA ZIKLOETAKO IKASKETAK EGIN ETA BIZI DIREN UDALERRITIK BESTE UDALERRI BATERA JOAN BEHAR DUTEN GAZTE IKASLEEI DIRULAGUNTZAK EMATEKO DEIALDIA

Foru Gobernu Kontseiluaren abenduaren 28ko 57/2021 Foru Dekretuaren bidez, onetsi ziren Gazteriaren Foru Erakundeak norgehiagoka bidez ematen zituen dirulaguntzen oinarri orokor arautzaileak.

Halaber, Gobernu Kontseiluak, uztailaren 4ko 33/2017 Foru Dekretuaren bidez, ikasle gazte arabarrei garraiorako dirulaguntzak emateko oinarri arautzaile orokorrak onetsi zituen.

2021/2022 ikasturtean batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten gazte ikasleei dirulaguntzak emateko deialdi hau Gazteriaren Foru Erakundearen Administrazio Kontseiluak onetsi zuen 2022ko apirilaren 8an egindako bilkuran, eta aipatutako oinarri orokor arautzaileei eta hurrengo apartatuetan ezarritakoari men egingo die.

Bi dirulaguntza horien xedea eta hartzaileak bat datozenez, egokitzen jo da unibertsitaterik kanpoko gazte ikasleei dirulaguntzak emateko deialdi bakarra egitea.

Adierazitakoarekin bat etorritik, 2021/2022 ikasturtean batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten gazte ikasleei garraiorako dirulaguntzak emateko deialdi honek aipatutako oinarri orokor arautzaileei eta hurrengo apartatuetan ezarritakoari men egingo die.

1. Deialdiaren xedea

Laguntza hauen xedea da prestakuntza arautuko ikasketak egitea ahalbidetzea hirugarren apartatuan jasotako batxilergoko edo erdi edo goi mailako prestakuntza zikloetako ikasketak egiteko bizi diren udalerritik beste batean dauden ikastetxe publiko eta pribatuetara joan behar duten ikasle arabarrei. Horren bidez, ikasleak egoitzaz ez aldatzea eta bizi diren herrian eta herrigunearan geratzea lortu nahi da.

2. Onuradunen betekizunak

2.1. Oro har, honako hauek izan daitezke tarte orokorreko onuradunak, aurrez eskaera eginda:

a) 30 urte edo gutxiagoko ikasleak edo eskaeraren urtean 30 beteko dituztenak.

b) 2021eko abenduaren 31n Arabako Lurralde Historikoan edo Trebiñuko enklabean erroldatuta daudenak.

c) 2021/2022 ikasturtean hurrengo artikuluan jasotako ikasketetako batean matrikulatuta daudenak.

d) Eskatzailearen ohiko egoitza eta ikastetxea ezingo dira egon udalerrri berean, eta haien artean ezingo dira egon 150 km baino gehiago.

2.2. Espezifikoki, honako hauek izan daitezke tarte osagarriko onuradunak, aurrez eskaera eginda:

a) 25 urte edo gutxiagoko ikasleak edo eskaeraren urtean 25 beteko dituztenak.

b) Arabako Lurralde Historikoko edo Trebiñuko enklabea 20.000 biztanle baino gutxiagoko udalerrietan 2021eko abenduaren 31n erroldatuta daudenak.

c) Eskatzailearen ohiko egoitza eta ikastetxea ezingo dira egon udalerrri berean, eta haien artean ezingo dira egon 65 km baino gehiago.

d) Garraio txartel ofizial pertsonalizatu baten titularrak izan behar dira (BAT, BARIK edo MUGI txartelenak, adibidez), edo garraio kolektibo itundua edo udalerrri batek sustatu eta Arabako Foru Aldundiaren sail eskudunak baimendutako linea bat erabiltzen dutela frogatu behar dute.

e) Ikasturtean zehar ikastetxera egindako joan-etorrien ehuneko 50 garraio txartel publikoa erabiliz egina izan behar da.

f) Eskola garraio kolektiboa erabiliz gero, kuota guztiak ordaindu direla egiaztatu beharko da nahitaez. Joan-etorri guztietatik astelehenetik ostiralera bitartean egindakoak zenbatuko dira.

2.3. Ezin izango dira laguntza hauen onuradun izan Eusko Jaurlaritzak ikasturte bakoitzerako joan-etorrietarako eta/edo egoitzarako ematen dituen laguntzak jaso dituzten pertsonak, jasotako beka mota edo modalitatea edozein delarik ere.

3. Ikasketak eta ikastaldia

Deialdi honetako laguntzak ikasketa ofizial hauetarako soilik dira:

– Batxilergoa.

– Erdi eta goi mailako lanbide heziketa arautua.

– Lanbide hastapenatarako ikastaro ofizialak.

Bazter uzten dira ikasketa modalitate hauek: beste prestakuntza batzuetarako edo oposizio eta antzekoetarako trebatzeko ikastaroak, ikerketa, graduondoko eta espezializazioko ikasketak, urrutiko ikasketak eta, oro har, ofizialki aitortu edo homologatu gabeko zentroetan egindako ikasketak eta/edo ikastaroak.

Dirulaguntzetarako onartuko den aldia irailetik ekainera artekoa da ikasturte bakoitzean.

4. Dirulaguntzaren zenbatekoa

4.1. Tarte orokorra:

2.1 apartatuan sartzen diren onuradunentzako laguntzen zenbatekoa kopuru finkoa izango da, bizilekua duen herriaren eta ikasleek ikasten duten ikastetxea dagoen herriaren arteko distantziaren arabera kalkulatuta.

a) 40 km arteko distantzia edo txikiagoa	200,00 euro
b) 40 km-tik 80 km-ra arteko distantzia	280,00 euro
c) 80 km-tik 150 km-ra arteko distantzia	400,00 euro

4.2. Tarte osagarria:

2.2. apartatuan jasotako onuradunentzako laguntzen zenbatekoa aldakorra izango da eta ohiko bizilekua dagoen herritik ikastetxerainoko garraioaren kostuaren arabera zehaztuko da, kalkulu honen arabera:

– Kalkulu oinarria:

Bizilekua dagoen herritik ikastetxerako joan-etorriaren kostua, bidaiarien errepide bidezko erabilera orokorreko garraio erregularraren emakida publikoen eta eskariaren arabera garraioaren tarifa ofizialak –ikasturtean aplikatzekoak direnak– aplikatuz kalkulatuta.

Garraio kolektibo itundua edo udalerrri batek sustatutako linea bat erabiliz gero, kontuan izango da garraioaren sustatzaileak egiaztatutako kostua.

– Finantzaketa ehunekoak:

a) Kalkulu oinarriaren ehuneko 80, onuradunek aurrez aurreko eskola aldian egindako joan-etorrien ehuneko gutxienez ehuneko 80koa denean.

b) Kalkulu oinarriaren ehuneko 50, onuradunek aurrez aurreko eskola aldian egindako joan-etorrien ehuneko ehuneko 50etik ehuneko 80ra bitartekoa denean.

– Laguntzaren zenbateko garbia: kalkulu oinarriari finantzaketa ehuneko aplikatuz lortutako zifrari kenduko zaio tarte orokorrari dagokion laguntzaren zenbatekoa.

4.3. Hainbanaketa:

Aurrekontu erabilgarriaren zenbatekoa tarteetatik edozeinetako laguntzak finantzatzeko nahikoa ez bada, zenbatekoak saldo horren mugara heldu arte hainbanatuko dira.

4.4. Distantziak zehazteko, <http://maps.google.es> web tresna erabiliko da. Haiek kalkulatzeko, errepideko ibilbiderik laburrena hartuko da kontuan.

5. Epea eta eskaeren aurkezpena

5.1. Eskaerak ekainaren 13tik 30era aurkeztuko dira, bide hautakoren batetik:

- Arabako Foru Aldundiaren egoitza elektronikoa <https://e-s.araba.eus>; horretarako, eskatzaileek sartzeko ziurtagiri digitala (Bakq) izan beharko dute aldez aurretik. Egoitza elektronikora sartzeko bideak zeintzuk diren eta entitate ziurtatzaile batek jaulkitako ziurtagiri elektronikoa non eskatu behar den jakiteko, jo "ezagutu egoitza – nola sartu" izeneko atalera.

- Gazteriaren Foru Erakundearen erregistroan: pertsonalki edo behar bezala egiaztatutako ordezkari baten bidez, Gazteriaren Foru Erakundeak Gasteizko Jesusen Zerbitzarien kaleko 5. zenbakian dituen bulegoetan, 12:00etatik 14:00etara.

- Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan jasotako gainerako erregistroetako edozeinetan.

5.2. Eskatzaileak Arabako Foru Aldundiaren egoitza elektronikoa eskuragai dagoen inprimakian eskatzen den informazioa bete behar du, eta agiri hauek erantsi:

a) Ikaslearen NANaren fotokopia. Ikaslea adingabea bada, eskatzailearen NANarena.

b) Ikaslea adingabea bada, familia liburuaren fotokopia.

c) Ikaslea adingabea bada eta harreran edo tutoretzapean badago, egoera horren frogagiria.

d) Ikaslea 2021eko abenduaren 31n Araban erroldatuta egotearen ziurtagiria.

e) Matrikulazioaren egiaztatzea, ziurtatzeko ikaslea matrikulatuta dagoela hirugarren oinarrian aipatutako ikasketetan, ikasturtean zehar.

f) Beste bekaren bat jaso bada, beka horren egiaztagiria, zenbatekoa eta nork eman duen adierazten dituena.

g) Eskatzailearen titulartasuneko banku libretaren fotokopia edo kontuaren froga agiria.

Tarte osagarriako, agiri espezifiko hauek aurkeztu beharko dira:

a) Garraio publikoaren txartelaren fotokopia, hala badagokio (2.2. apartatua).

b) Egindako garraio gastuen eta haien ordainketaren frogagiria. Horri dagokionez, ziurtagiri eta garraio titulu hauek jotzen dira baliodontzat:

I. Garraio txartel ofiziala, hala nola BAT txartela, BARIK edo MUGI, erakunde publiko kudeatzailearen ziurtagiri batekin batera, non ikasturtean egindako joan-etorri guztiak jasota baitaude.

II. Garraio kolektibo itundua erabili bada, guraso edo ikasle elkarteek egindako ziurtagiria. Han, eskatzaileak egin dituen garraio gastu eta ordainketa guztiak eta 2021/2022 ikasturtean garraioaz arduratu den enpresa jaso beharko dira. Gainera, onuradunak ikasleen edo gurasoen elkarteari egindako ordainketaren justifikazioa aurkeztu beharko da.

c) Hirugarrenen fitxa.

Eskaerak aurkezteak esan nahi du deialdi honetan ezarritakoa formalki eta berariaz onartzen dela.

5.3. Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio hamar egun baliodonteko epean falta diren datuak eta agiriak aurkezteko. Era berean, jakinaraziko zaio adierazitako epean agiri edo datu horiek aurkeztu ezean, eskaerari uko egin diola ulertuko dela, eta, beraz, eskaera artxibatu egingo dela.

Eskabidea aurrez aurre aurkeztuz gero, aurreko dokumentazioa aurkeztu beharko da, baliokotu ahal izateko.

5.4. Ikasle bakoitzeko eskaera bat bakarrik aurkeztu ahal izango da.

5.5. Bigarren apartatuan adierazitako baldintzak betetzen dituzten ikasleak adingabeak direnean, honako hauek aurkeztu beharko dute eskaera: gurasoek, tutoreek edo adingabeen babesaren arloan eskumena daukan erakunde publikoaren aurrean formalizatutako tutoretza edo harreraren bidez haien ardura hartu duten pertsonak.

6. Aurrekontu erabilgarritasuna

1. Tarte orokorra:

Tarte horretarako esleitutako zenbatekoa berrogeita hamabost mila euro (55.000,00) da, Gazteriaren Foru Erakundearen 2022ko aurrekontuko "71100. G/232750/48000751" partidaren kontura.

2. Tarte osagarria:

Tarte horretarako esleitutako zenbatekoa berrogeita hemeretzi mila eta bostehun euro (59.500,00) da, Arabako Foru Aldundiaren 2022ko aurrekontuko "10202G/441100/48000100 Garraioa, Lurralde Oreka" partidaren kontura.

3. Baldin, laguntzen kalkulua egin ondoren, aurrekontuan dirurik sobera badago bi tarteetako edozeinetan, zenbateko hori beste tartean erabiliko da.

4. Zenbateko gehigarria erantsi ahalko zaio deialdiari, betiere berrogeita hamar mila euro (50.000,00) baino gutxiago, baldin eta aurrekontu kreditua badago. Gehieneko zenbatekoa handitzeko ebazpena ALHAOn argitaratuko da; hala ere, argitaratzeak ez du esan nahi epea zabaltzen denik eskaera berriak aurkezteko, ezta beste epe bat ere ebazpena emateko.

7. Ebazpen proposamenaren txostena

Balioespen batzorde batek aztertuko ditu eskaerak. Hauek osatuko dute:

- Gazteriaren Foru Erakundearen izenean:

- Idazkaritza Teknikoaren burua edo hark eskuordetzen duen pertsona.
- Erakundeko Zerbitzu Orokorretako teknikaria edo hark eskuordetzen duen pertsona.
- Gazteria teknikaria.

- Lurralde Oreka Saileko Toki Administrazioaren Zerbitzuaren izenean:

- Toki Administrazioaren eta Larrialdien Zerbitzuaren burua, edo hark eskuordetzen duena.
- Toki Finantza-zerbitzuaren eta Administrazio Kudeaketaren Zerbitzuaren burua edo hark eskuordetzen duena.
- Toki Administrazioaren teknikari ekonomialaria.

Batzorde horrek laguntza emateko bi proposamen txosten idatziko ditu, eta gastuak baimendu, xedatu eta antolatze gaitutako organoak ebatzi egingo du, eskaera emanez edo ukatuz, gehienez bost hilabeteko epean, eskaerak aurkezteko epea bukatu eta hurrengo egunetik aurrera.

Dirulaguntza emateko edo ukatzeko ebazpena eskatzaileei jakinaraziko zaie, eskaeran jasotako egoitzan, Administrazio Publikoaren Administrazio Prozedura Erkidearen Legearen 42. artikuluan xedatutako moduen arabera.

Ez da entzunaldiko izapiderik egingo, eskatzaileek aurkeztutako egitateak eta agiriak soilik hartuko baitira kontuan ebazpenean.

8. Dirulaguntzak ordaintzea

Ordainketak izendunak izango dira onuradun bakoitzarentzat.

9. Errekurtsoak

Deialdi honen aurka nahiz beronen ondorioz sortutako administrazio egintza ororen aurka egin daiteke, Administrazio Publikoaren Administrazio Prozedura Erkidearen urriaren 1eko 39/2015 Legean ezarritako kasuetan eta eran.

10. Dirulaguntza galtzea

Onuradunek galdu egin ditzakete deialdi honetan emandako dirulaguntzak, aldez aurretik espedientea hasita, Arabako Lurralde Historikoko Dirulaguntzen 11/2016 Foru Arauak eta Dirulaguntzen azaroaren 17ko 38/2003 Lege Orokorrek ezarritako kasuetan.

11. Publizitatea

Deialdi hau ALHAOn argitaratuko da.

12. Azken klausula

Oinarri orokorretan eta deialdi honetan xedatuta ez dagoen guztia Arabako Lurralde Historikoko Dirulaguntzen 11/2016 Foru Arauak eta Dirulaguntzen azaroaren 17ko 38/2003 Lege Orokorrek arautuko dute, baita aplikagarriak diren gainerako arauak ere.